

Te Oriori mō Whakaewa-i-te-rangi

Uiui noa au e Hine ko wai tōu ingoa
I kawea ai koe e ō mātua ki te wai tū ai
Māku e tapa atu i te ingoa o tō tūpuna
Whakaewa-i-te-rangi e Hine
Noho mai e Hine i roto i te whare Taiwhētuki
I te whare nō tūārangi ka patua e Tāne
Hei topetope i āna toko
I a Toko-huri-nuku, i a Toko-huri-rangi
I a Rākau-tuke, i a Rākau-koki
Ngā toko e Hine
I tokona ai te rangi runga nei
Rere te maramara o Te Āwhiorangi
Ko te toki tēnā i topetope ai ngā ngaru
Kii te tangata nā wai rā e?
Māu e kii atu nā te Kāhui Pou
Nā Pou-titi nā Pou-tāhae nā Pou-kōrero
Nā Kahu-taringa i tiki ki roto o Wharekura

e Hine e